



Makhulu na Vhitsi

Tshivenda

Pandelani Claudine Rambau



Makhulu na Vhitsi

Yo ñwalwa nga Pandelani Claudine Rambau
Mufanisi Heidel Dedekind



Liṅwe ḡuvha makhulu vha tshi khou
kuvhula mavhele ha ḡa kumange.
Kumange uku kwo vha kuna mavhala
matshena na matswu.
Makhulu vho vha vha sa ḡivhi uri
kumange ku bva ngafhi.
Vha ku litsha kwa swika tsini navho.



Makhulu vha ku vhidzelela vha ri,
“Vhitsi, Vhitsi!”

Kuḽa kumange kwa ri, “miawu! Miawu!”
Ku tshi khou sendela kha makhulu kwo
imisela mutshila nṱha.

Makhulu vha ku takula, vha tshi kho
sokou ri, “Vhitsi! Vhitsi!”





Makhulu vha vhona uri ku na ndala,
vha ku sukela vhuswa na mafhi.
Vha ku nea kwa la kwa fura.
Kwo no fura kwa mbo di edela tsini
na makhulu.

Liñwe ḍuvha vho vha vha tshi ku
sukela muthotho na vhuswa.

Vho vha vha tshi ku ñea na marambo
uri ku kukune.

Vhitsi a kwo ngo tsha dovha kwa ṭuwa.

Li tshi kovhela kwo dzhena nḍuni kwa
dzula fhasi ha ṭafula.





Vhitsi tsha aluwa tsha vha tshimange
tshihulwane.

Linwe duvha tsha vhulaha mbevha
ngomu nduni.

Makhulu vho takala nga maanda musi
Vhitsi tsho vhulaha mbevha.

Mbevha dzo vhangwa nga mavhele e vha
panga masagani.



Makhulu vho ya vha rengela Vhitsi kubete
kwa u eḡela khakwo.

Vho dovha vha tshi ambadza nguvho uri
tshi si pfe phepho.

Vhitsi tsha thoma u eḡela kamarani i re na
mavhele.

Vhege i tshi fhela tsho vha tsho vhulaha
mbevha dzoṭhe.



Musi tshikolo tsho vala Unarine, Lifa, Athi
na Wanga vho dala ha makhulu.
Vho vha vha tshi funa u tamba na Vhitsi.
Athi o vha a tshi funa u tshi fha zwiliwa.

Nga Khushumusi Vhitsi tsho n̄ewa
zwil̄iwa zwinzhi.

Heḷo ḍuvha tsho ḷa n̄ama fhedzi, ngauri
yo vha yo ḍalesa.

Athi o lingedza na u tshi n̄ea masimba na
maḷegere tsha si a ḷe.

O vha a sa zwi ḍivhi zwauri zwimange a
zwi ḷi masimba na maḷegere.





Khushumusi yo fhira, vathu vho renga dzi khirikhethe.

Musi hu tshi khauliwa n̄waha vathu vho thuthubisa dzi khirikhethe.

Ha pfala, "Thuu! Thuu! Hepii! Hepii!"

Vhitsi tsha gidimela fhasi ha mbete tsha dzumbama.

Nga matsheloni Makhulu vho ɔɔa Vhitsi.
Vha vhidzelela, Vhitsi vha sa tshi wane.
Vha vusa vhaɔuhulu vhavho uri vha thuse
u tshi ɔɔa.
Vha sedza hune tsha eɔela hone vha sa
tshi wane.





Vhitsi tsho wanala tsho dzumbama fhasi
ha mbete.

“Vhitsi! Vhitsi!” Hu vhidzelela Makhulu vha
tshi khou tshi takula.

Makhulu vha ri mmbwa na zwimange zwi
a ofha dzikhirikhethe.

Vhitsi tsho thoma u takala ngauri ho vha
hu si tshe na mithuthubo.

U DZHIELA NṲHA

Yo ṅwalwa nga

Pandelani Claudine Rambau

Mufanisi

Heidel Dedekind

Mudzudzanyi 1

Mukondeleli Constance Nṅembahe

Mudzudzanyi 2

Ndivhuwo Mulaudzi

Muoli

PixelPing Design



ISBN 978-1-920702-05-2



basic education

Department:
Basic Education
REPUBLIC OF SOUTH AFRICA

